



KPDN anjur Karnival Barang Malaysia 2023

Disember 10, 2023 @ 4:03pm

PUTRAJAYA: Kementerian Perdagangan Dalam Negeri dan Kos Sarawak Hidup (KPDN) akan menganjurkan Karnival Barang Malaysia 2023 (KBM 2023) dari 13 hingga 17 Disember ini di IOI Grand Exhibition & Convention Centre, IOI City Mall di sini.

KBM 2023 berlangsung selama lima hari bertujuan memamer dan meraikan kepelbagaian, kualiti dan inovasi produk negara. Ia bertujuan menampilkan produk tempatan bukan sahaja yang mempunyai kualiti bertaraf dunia tetapi juga mempunyai potensi besar untuk dipasarkan ke peringkat global.

Acara tahunan tersebut akan menjadi satu platform penting kepada peniaga dan usahawan untuk memamer produk, mengembangkan jalinan kerjasama dengan rakan-rakan strategik yang berpotensi seterusnya menampilkan produk dalam kalangan pembeli.

Karnival kali ini membabitkan lebih 100 pemamer merangkumi pelbagai produk termasuk seni tradisional hingga ke peringkat inovasi moden.

Pengunjung turut berpeluang menerokai dan menyaksikan kepelbagaian hasil anak tempatan, memanfaatkan peluang menemui barang baru disamping menyokong perniagaan produk tempatan serta berbangga dengan warisan negara.

Pelbagai inisiatif strategik telah dirancang kerajaan melalui KPDN untuk membantu perniagaan dan industri tempatan mencapai kejayaan sama ada di peringkat domestik maupun antarabangsa.

Karnival yang bakal berlangsung merupakan acara kemuncak bagi KBM 2023 selepas tamat siri Jelajah Mini Karnival Barang Malaysia 2023 yang bermula pada 25 – 27 Ogos lalu di beberapa peringkat zon. Antaranya telah diadakan di Kuantan, Pahang, Kota Kinabalu, Sabah, Alor Setar, Kedah, Johor Bahru, Johor dan Miri Sarawak.